

Es sol ein Gegenschreyber verordent / vnd zu solchē
dinst veraidet werde / In iede zeche mit ihren gewer
cken ordentlich vñ vleissig in ein buch einzuschreybē
Sol ihme von ieder gewerckschafft ein zuschreyben / drey
zins groschen gegeben werden / So dan der gegenschrey
ber angeucht / iemandes seine theil abe / vñ einem andern
zu zuschreyben / Sol man ihme von einem sechzehnen teil
zwene groschen / vnd von einem achttheil drey groschen
von einer schicht vier groschen / vnd von einer gantzen
zeche / zehen groschen geben / vnd der Gegenschreyber /
sol von den Ketordaten / aus vñ ein zuschreyben / nichts
nemen / Würde auch einer / einem oder mehr theil /
schencken / verkauffen / oder welcher gestalt sich das zu
tragen wirdet / zu omē lassen / Sol der dem die theil gege
bē seint / oder verkaufft werden / die gewehr vnuorzüglich
zuthun schuldig sein.

Zu welcher zeit das vber schreyben der theil beschehen sol.

Es gelanget auch an vns / wie viel berckleute zu vn
gewonlicher zeit / vnd sonderlich zu abents vnther
den liechten bey vnsern Gegenschreyber suchung
thun / ihnen theil vber zuschreiben / daraus sich al bereit
vnwillen / zank / vñ zwitracht zugetragen solchs zuuer
hüten / Ordnen vnd wollen wir / das ein ieden der teil
ihme wil vberschreyben lassen / früe zu acht horen / bis
an die zehende mittags stunde / vnd nach mittag von
einer hor bis an drey gegen abents vngewerlich / zu dem
Gegenschreyber sich fügen sol / Vnd was er ihne ab vñ
zuschreiben bey gedachten Gegenschreyber auszurichtē
hat /